

www.BibleForChildren.org

Mateo 26



Sokota nete
Pascua fiesta iti
maxkáketianra,
Jesús Betaniain kaa
iki. Jain iká iki, ja
mawákenbi jiriaibata Lazaro
jaa. Jaskakenbi, Marían
bea iki kikinbires kopí
nardo aká ininti. Ja iká
iki medio litrobira. Ja bexonra
jan Jesús tachota iki. Jainxon
jawen bookanbi tasoá iki. Jatian ja
xobo chicho inin poata iki.



Jaskáketian ja, jaonmea onanai jawen chonka rabéainoa, Judas Iscariote, sacerdotebaon koshiboiba kaa iki; jato Jesús yatankiinoxon jato betan shinan akí. Jato jaskáakin yoia ninkatax, ikonbiresi rarokin, koríkinin kopiáti Judas yoikana iki. Jatianra jaskaxon jato yatanmati moa jan benaa iki.




Jato jaskáa boxon, jaonmea onanaibaon ja Jesussen jato yoia keskáshamankin akana iki. Jainxon ja Pascua iketian yantan jawékiatiribi akana iki. Jatian pii ikanaitian, pan bitaanan, Jesussen Dios iráke aka iki. Jaskáaxon ja pan tobapakeanan jato menikin ja jaonmea onannaibo yoia iki: —Bixon pikanwe; natora nokon yora iki —akin.




Japekao, xeatia kenporibi bixon,
Dios iráke aka iki, jaskáatanan
jato menipakekin yoia iki: —Jatíxonbi
ja nato kenpomea xeakanwe, jara
nokon jimi iki, janra ja senenhabeonti
joi Diossen aká onanti imai. Ja jimira
chikotai icha jonibaon ocha, moa
Diossen shinanxonyamanon ikax.



Jainxon Ibon jato yoiribia iki: —Simón, Satanássenra Dios yokáke, ja trigo bero payankanai keskáakin, mato tananoxon. Jaskara ikenbira en Dios yokáke; mia eki koshii jenéyamanon ixon. Ikaxbi jawetianki moa shinanmeetax mia eki banéribiai; jatianra ja min wetsabo eki koshikinkin min jato jenékintima iki —akin aká iki.



Jaskáa Simonman yoia iki: —Ibó, eara mibébi cárcel
meran katires iki, jainoaxa ea mibébi mawáti atipanke
—akin. Jatian Jesussen yoia iki: —Pedro,
ikonshamanra en mia yoiai; ramabira atapa
keotamatianbi, enra ja joni onanyamake iki; mia
kimishai paranai kaai —akin.



Japekao, jaonmea
onanaiboya Jesús
Getsemaní janeya wainko
kaa iki, jainxon jato
yoia iki: —Nenobipari
yakákanwe en ono kaxon
oranai kaman —akin.
Ja orankin, neskaa iki:
“Papá, minra jatíbi
atipanke. Jaskara iken,
min keen iketian, masá
tenetiainoa ea pikómawe.
Ikaxbi nokon keena keská
ea imayamawe; mia keenai
keskáreskaya ea imawe”, akin.



Jain ikanaibi Judas nokota iki westíora tsama
sontároboya itan jawetii policiabo, ja Dios rabiti xobo
koiranaiboya; ja sacerdotebo betan fariseobaon
raana, jabaon kakin bokana iká iki, lamparinbo
itan tirí joétai jawékibo. Jainxon ja wetsa
jabé ikátonin, ja sacerdotebaon
koshin yonoti, jawen
mekayaokea pabíbi
xatenaana iki. Jatian
Jesussen neskáa iki: —Moa
jaskáakin jenekanwe —akin.
Jaskáataanán Jesussen ja
yonotinin pabíki, yatanxon
moa jainribi nenxona iki.



Jatian moa yatanxon, ja sacerdotebaon koshin
xobonko, Jesús bokana iki. Jatian Pedron ochóxonres
chibana iki. Jatian ja apon xobo iká jema
naponshaman, chii
ketéakana iká iki.
Jaskáax ja kateai
yakákana ikana iki.
Jatian Pedroribi
jato xaranbi jain
yakáshokoa iki.



Jainxon ja sacerdotebaon
koshin yonotinin yokáribia
iki, ja Pedron paxtewana
jonin rarebaon:
—¿Miamaki ja wai ikain
Jesús betan en
oinyamawana? —akin.
Jaskáa jakiribi Pedron
paranaa iki, jaskatatianbi
atapabene keota iki. Jatian
moa jainoax pikókaini kaax,
akonbireskin masá shinanni
Pedro winia iki.




Jainxonra jatíxonbi Pilatoiba Jesús bokana iki. Jatian Pilaton yokata iki: —¿Miarin ja judíobaon apo? —akin. Jatian Jesussen yoia iki: —Minbira yoike ea já —akin. Jatian Pilatobiribi, Jesús pikoti shinanyares iká iki, jaskákin jakiribi jonibo yokata iki. Jato jaskáakin yokatabi; bebon koshinbires saa ikana iki,

neskatibo: —¡Korosen awé!
¡Korosen awé! —ikibo.




Jaskáakana, Jesús korosen
atankannon ixon, Pilaton jato menia
iki. Jatianra jabaon moa bokana iki.
Jaskáakin bokin, jabi koros iamaxon,
Jesús bomakana iki, “Mapo xao
manan”, akanainko (Ja iki judíobaon
join aká Gólgota).



Jain nokóxon, korosen akana iki.
Jatian rabé yometsoribi ja betanbi
okenbekonbi korosen akana iki,
jatian Jesús iká
iki naponbekon.



Jatianra moa barin tenayamaa iki; jaskáketianra, ja
Dios rabiti xobo meran iká, jan nachitekin panaa chopá
naponbekonshaman noshita iki. Jainoax Jesús koshin
sion iki neskata iki: —¡Mikira nokon
kaya en jeneai Papá! —iki.
Jaskáakin yoitaanan
moa mawata iki.



Jaskara iken, Arimateainoa José janeya
joni joá iki, já ika iki joni koshibo
betan iká koshiribi. Jaribi iká
iki, Diossen ikinaton jati
netenko iti shinannairibi
ikax manata. Jakopí
rakéyamai, Pilato
ikain jikixon
Jesussen yora
yokata
iki.

Jatianra Josekan lino
chopa maroxon ja
Jesussen yora
korosenmea pakeanan,
jan rakawaa iki.
Jaskáatanan boxon,
shanka kiniakana meran
niaa iki. Jainxonra
westíora shanka anin ja
kini xepoa iki.



Jatian ja tantiti nete xabáketianra,
sacerdotebaon koshiho itan
fariseobo, Pilatoiba
bokana iki. Jain boxon,
yoikana iki: —Ibó, nonra
shinannai ja paranmis
jonin japarixon jato
neskáakin yoiibata:
Eara kimisha nete
itin



jirinoxiki akin.




Jato jaskáaka boxon, shanka anin ja
kini kikinakin xepoxon, onantiakin
boyakana iki. Jaskáaxon
jaki sontárobo
koiranmakana iki.



Jatian ja tantiti nete winota pekáo
moa domingo nete xabataitianra,
María Magdalena betan wetsa
María kabékona iki, jain
Jesussen yora
miinbakana oinni.
Jain kabékonainbi
ratéresi kikinbires
koshi ninwana iki;

ja non Ibo Diossen
ángel naikanmeax
joaitian.



Joxon, jan kini xepoa shanka oke
taranax janbi peyakaá iki.
Jaskara oinnax ja kini
koirana sontárobo,
kikinbiresi raketi saki
iki, mawá keskabo
tipikana iki.



Jatian ángelnin ja ainbobo yoia iki:
—¡Rakéyamakanwe! Enra onanke
ja korosen aibakana Jesús
benai mato iitai. Moara neno
yamake, jan yoipachoai
keskatira moa jirike.
Maton onannon, jain
aibakana oinni
bekanwe.




Jato jaskáa ja mawá kini ikainoax ja ainbo
rabé ishtonbires kabékona iki, raketibi
kikínbiresiribi rarobekona iki.
Jaskataxa jaonmea onannaibo
keshani kaai ishtobekona iki.
Ja bokanainbi bechixon jato
Jesussen saludana iki. Jato
jaskáaketian nokobainxon
Jesús



rabikana iki jawen
taekibi bekepikainxon.





Jatian jaskata pekáo, jawen chonka westíora jaonmea onannaibo pii ikanaiboki, pikóxon, jato Jesussen notsina iki, já jiria oinnabaon yoiabi, jaton keena keskáakinbores shinankin ikonhayamakana iketian. Jato jaskaákinbo yoia pekáo, ja Ibo Jesús naikan keyatax, moa kaa iki. Kaax, Diossen mekayao yakata iki.



Akonbireskin nato netemea jonibo
noixonra, jawen jabicho bake jato
Diossen menia iki, jatíbi já ikonhaibo,
mawáyamai jatíbitian
jati neteya ikanon ixon.



Romanos 3:23 Jatikaxbira ochakana iki, jaskara kopíra moa Dios betan iamai, ochókana iki.

Romanos 6:23 Ochan kopí riki mawá, ikaxbi jawe kopímabi noa Diossen meniai riki, jawen jatíbitian jati nete, non Ibo Jesucristo betanbi itaanan.

Hebreos 9:27 Jatíbi jonira westíoraibicho mawatai, jaskata pekáora jaton akábo kopí jain bokantibo jato yoixonti nete nokotai.

Efesios 2:8,9 Ja maton ikonhaa kopíresa, jakon shinanya ixon, Diossen mato kishpinmaa iki, jakon jawéki maton aká kopíma, jara jawe kopímabi, mato Diossen imaa iki.



Romanos 10:9,10 Jaskara ikaxa, tsoabi jawebi rabíresti atipanyamake, jaton koshinbi ikanama ikax. Jawetianki min kexakanbishaman, Jesús riki nokon Ibo iki mia ikai, itan mawákenbi Diossen jirimaaribi, jointiaxonbi min ikonhai, jatianra mia kishpinmeeti iki. Non jointinin riki, Dios ikonhati jakon joni inoxon. Jatian kishpinmeeta inoxonra, non kexakanbishaman, Jesús riki nokon Ibo, iki noa iti jake.

Juan 3:16,17 Akonbireskin nato netemea jonibo noixonra, jawen jabicho bake jato Diossen menia iki, jatíbi já ikonhaibo, mawáyamai jatíbitian jati neteya ikanon ixon. Nato netemea jonibo masá tenemati kopíra ayamaa iki, Diossen jawen bake nato neten raankin. Janra raana iki, jan akinnaton nato netemea jonibo kishpinmeekanon ixon.



1 Juan 5:11-13 Jatian ja Diossen yoiai riki, noa jatíbitian jati nete menia, jatian ja jati nete iki jawen Bake ikonhaxon biti. Jaweratoboki moa ja Bake betan iki, jabora moa jati neteya iki, ikaxbi jaweratoboki ja Bake betanma iki, jabora jati neteoma iki. Enra ja Diossen Bake ikonhaibo iketian, mato neskarabo wishaxonai, moa jatíbitian jati neteyabo mato ikanai maton onannon ixon.



Mateo 26-28; Lucas 22-24; Juan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Shipibo Conibo Bible (shp) © 2011, Wycliffe Bible
Translators, Inc. All rights reserved.

<https://live.bible.is/bible/SHPTBL/GEN/1>

©2025 Bible for Children, Inc.

www.M1914.org

www.bibleforchildren.org

